

李益靈綸

唐詩百名家全集

埽葉山房發行

李尚書詩集卷首

傳畧 論說附

李益字君虞隴西姑臧人宰相揆族子大曆四年登第於詩尤所長貞元末名與宗人賀相埒母一篇成樂工爭以賂求取被聲歌供奉天子至征人早行等篇天下皆施之圖繪

其受降城聞笛詩教坊樂人取為聲樂度曲寫為圖畫者迴樂

岑前沙似雪之詩是也

少癡而忘刻防閑妻妾奇嚴世謂妬為李益疾同輩行稍稍進顯益獨不調鬱鬱去游燕劉

濟辟置幕府進為營田副使嘗與濟詩語怨望憲宗召為祕書少監集賢殿學士自負才凌藉士眾不能堪諫官因暴幽州時怨語詔降秩俄復舊官紫遷右散騎常侍太和初以禮部尚書致仕卒時又有太子

庶子李益同在朝故世言文章李益以辨云

新唐書文藝傳

計敏夫曰太厯才子唐書不見人數盧綸錢起郎

士元司空曙李端李益苗發皇甫曾耿漳李嘉祐又云吉中孚賈侯審亦是二李皆出於姑臧庶子為文

章李益尚書為門戶李益一日赴嘉會尚書曰今日兩個坐頭皆是李益益錄其從軍詩贈盧景自序曰

吾在兵閒故為文多軍旅之思或軍中酒酣塞上兵寢投劍秉筆散懷於斯文率皆出乎慷慨意氣武毅

果厲本其涼國則世將之後乃西州之遺民歟亦其坎軻當世發憤之所致也其詩皆建元貞元閒作

紀事

益從軍詩序云君虞長十八歲燕戎亂華出身年二十三受末秩從事十八歲五在兵閒自建中初故府司

空巡行朔野迨貞元初又奉今尚書之命從此出上郡五原四五年徃再從役其中雖流落南北亦多在

軍戎凡所作邊塞諸文皆書奏餘事云通考陳氏曰舊史本傳言其少有癡疾防閑妻妾過於苛酷有散灰

扃戶之談聞於時故時謂之妬癡為益疾按世傳霍小玉傳所謂李十郎詩開簾風動竹疑是故人來者

卽益也劉史所載如此豈小玉將死訣絕之言果驗邪抑好事者因其有此疾遂為此說以實之也唐志
詩一卷宋志無今刻詩二卷

李君虞詩集目錄

李益

六州胡兒歌

登長城

度破訥沙二首

効古促促曲

雜體

登鶴雀樓

拂雲堆

送遼陽使還軍

應門照綠苔

早燕

竹窻聞風

垣衣

秋晚溪中

溪中月下

餘花落

宿馮翊夜雨

得亡友琴

楊凝以古鏡貺

置酒

送王屋道士

觀回軍

路傍一株柳

戲贈蕭二

華山南廟

喜邢校書至

城西竹園

喜邢校書至

重贈邢校書

北至太原

經仙人石壇

罷鏡

照鏡

詣藏律師

答郭黃中孤雲

送人流貶

送人南歸

以詩代書曆日

聞雞贈主人

以詩招柳鎮

期張計不至

竹磬

曉霧

送常魯侍御史

送諸暨王主簿之任

至全師蘭若

入華山逢道者

見亡友題壁

席上命鵬鵠辭

法雲寺避暑

送韓將軍還邊

酬崔員外示琴

曉春卧病

春行

送賈校書

汴河作

來從竇車騎行

從軍詩序

夜發軍中

將赴朔方

塞下曲

為祝殤辭

聽梁洲曲

過飲馬泉

夜上受降城聞管

軍舍北流泉

再赴渭北留別

南望黃堆烽

赴邠寧留別

暖川

石曼山見月

登天壇夜見海

過馬嵬三首

惜春傷故人

酬留守追送

聽唱赤白桃李花

尋紀道士

答許五端公

宿太一廟

送李尚書

牡丹

邊思

江南詞

春曉聞鶯

贈內兄盧綸

送周行東歸

送柳判官

送客還幽州

楊柳送客

從軍北征

聽曉角

大禮畢大赦

題天津橋南山

寄令狐相公

城傍少年

輕薄篇

上黃堆烽

宮怨

暮過回樂烽

遊子吟

飲馬歌

春日晉祠會集

答竇曹長留酒

和郊居寓目

答廣宣供奉

望紫閣峯

尋廣宣供奉不過

紅樓下聯句

病中聯句

安國寺山亭步月

與宣上人聯句

乞寬禪師瘞山蟲

與宣供奉聯句

野田行

回軍行

喜外弟久言別

觀騎射

賦朔風吹飛雪

春日絕句

古別離

幽州賦詩見意

獻劉濟

蓮塘驛

哭栢巖禪師

古瑟怨

觀石將軍舞

春夜聞笛

楊州送客

統漢峯下

避暑女冠

行舟

隋宮燕

送人歸岳陽

上汝州郡樓

臨潯沱見蕃使列名

寫情


李君虞詩集目錄

唐詩百名家全集

李君虞詩目

三

掃葉山房藏板



李君虞詩集

登夏州城觀送行人賦得六州胡兒歌

六州胡兒六蕃語十歲騎羊逐沙鼠沙頭牧馬孤雁飛漢軍遊騎貂錦衣雲中征戍三千里今日征行何歲歸無定河邊數株柳共送行人一盃酒胡兒起作本蕃歌齊唱鳴嗚盡垂手心知舊國西州遠西向湖天望鄉久回身忽作異方聲一聲回盡征人首蕃音虜曲直難分似說邊情向塞雲故國關山無限路風沙滿眼堪斷魂不見天邊青作塚古來愁殺漢昭君

登長城

漢家今上郡秦塞古長城有日雲長慘無風沙自驚當今聖天子不戰四夷平

度破訥沙二首

眼見風來沙旋移經年不省草生時莫言塞北無春到縱有春來何處知
破訥沙頭雁正飛鷗鷺梁上戰初歸平明日出東南地滿磧寒光生鐵衣

効古促促曲為河上思婦作

促促何促促黃河九回曲嫁與棹船郎空床將影宿不道君心不如石那令妾貌長如玉

雜體

妾本蠶家女不識貴門儀當砧持玉斧交結五陵兒十日或一見九日在路岐人生此夫壻富貴欲何為楊柳徒可折南山不可移婦人貴結髮寧有再嫁資嫁女莫望高女心願所宜寧從賤相守不願貴相離

唐詩百名家全傳
藍葉鬱重重藍花石榴色少女歸少年光華自相得誰言配君子以奉百年身有義即夫婿無義還他人
愛如寒爐火棄若秋風扇山岳起面前相看不相見丈夫非小兒何用強相知不見朝生菌易成還易衰
征客欲臨路居人還出門北風河梁上四野愁雲繁豈不戀我家夫婿多感恩前程有日月勤績在河源
少婦馬前立請君聽一言春至草亦生誰能無別情殷勤展心素見新莫忘故遙望玉門山殷勤報君子
既為隨陽雁勿學西流水嘗聞生別離悲莫悲於此同器不同榮堂下即十里與君貧賤交何異萍上水
託生天使然同生復同死

同崔郊登鶴雀樓

鶴雀樓西百尺墻汀洲雲樹共茫茫漢家蕭鼓空流水魏國山河半夕陽事去千年猶恨速愁來一日即
為長風烟併是思歸望遠目飛春亦自傷

拂雲堆

漢將新從虜地來旌旗半上拂雲堆單于每近沙場臘南望山陰哭始回

送遼陽使還軍

征人歌且行北上遼陽城二月戎馬息悠悠邊草生青山出塞斷代地入雲平昔者匈奴戰多聞殺漢兵
平生報國憤日夜角弓鳴勉君萬里去勿使虜塵驚

與僧法振同賦應門照綠苔

宮上何年月應門何歲苔清光一以照白露共徘徊珠履久行絕玉房重未開妾心正如此昭陽歌吹來

賦得早燕送別

碧草縵如綫去來雙飛燕長門未有春先入班姬殿梁空遠復息簷寒窺欲遍今至隨紅夢昔還悲素扇
一別與秋鴻差池詎相見

竹窻聞風寄苗發司空曙

微風驚暮坐臨牖思悠哉開門復動竹疑是故人來時滴枝上露稍沾階下苔何當一入幌為拂綠琴埃
賦得垣衣

漠漠復霏霏為君垣上衣昭陽簾下草應笑此生非掩藹青春去蒼茫白露晞猶勝萍逐水流浪不相依

秋晚溪中寄懷大理齊司直

時齊分司名下
有東山之期

鳳翔屬明代羽翼文歲楚崑崙進琪樹飛舞下瑤池振儀自西瞻東夏復分釐國典唯平法伊人方在斯
荒寧栢楊肅芳輝蘭玉滋明質翫高景飄飄服纓綬天寒清洛苑秋夕白雲司况復空巖側蒼蒼幽桂期
歲寒坐流霰山川猶別離浩思憑尊酒氛氲獨含辭

溪中月下寄楊子尉封亮

蘅若奪幽色銜思恍無悰宵長霜霰多歲晏淮海風團團山中月三五離夕同露凝朱絃絕觴至蘭玉空
清光液流波盛明難再逢常恐河漢遠坐窺烟景窮小人諄處陰君子樹大功永願厲高翼尉我丹桂叢

春晚賦得餘花落

起字

留春春竟去春去花如此蝶舞遶應稀鳥驚飛詎已衰紅辭故葉繁綠扶凋蕊自委不勝愁庭風那更起

宿馮翊夜雨贈主人

危心驚夜雨起望漫漫悠悠氣耿耿殘燈暗聲繁高樹秋涼軒辭夏扇風幌擘輕綢思緒蓬初斷歸期燕釐留
關山藹已失臉淚迸難收賴君時一笑方能解四愁

聞亡友王七嘉禾寺得素琴

故人惜此去留琴明月前今來我訪舊淚灑白雲天詎欲匣孤響送君歸夜泉撫琴猶可絕況此故無絃
何必雍門奏然後使潺湲

校書郎楊凝往年以古鏡貺別今追贈以詩

明鏡出匣時明如雲間月一別青春檻回光照華髮美人昔自愛華帶手中結願以三五期經天無玷缺
置酒

置酒命所歡憑觴遂為戚日往不再來茲晨坐成昔百齡非久長五十將半百胡為勞我形已鬢還復白
西山鸞鶴羣矯矯烟霧翮明口發金丹陰洞潛水碧安得凌風羽崦嵫駐靈龜無然坐衰老慙嘆東陵柏
長社寶明府宅夜送王屋道士常究子

旦隨三鳥去羽節凌霞光暮與雙鳬宿雲車下紫陽天壇臨月近洞水出山長海嶠年年別丘陵徒自傷
觀回軍

行行上壠頭壠月暗悠悠萬里將軍沒回旌壠戍秋誰令鳴咽水重入故營流
賦得路傍一株柳送邢校書赴延州使府

路傍一株柳此路向延州延州在何處此路起悠悠

中橋北送穆質兄弟應制戲贈蕭二策

洛水橋邊雁影疎陸機兄弟駐行車欲陳漢帝登封草猶待蕭郎寄內書

華山南廟

陰山臨古道古廟閉山碧落日春草中寥芳薦瑤席明靈達精意髣髴如不隔巖雨神降時回飈入松柏
常聞坑儒後此地返秦壁自古害忠良神其輔宗祏

喜邢校書遠至對雨同賦遠晚飯阮返五韻

雀噪空城陰木哀羈思遠已蔽青山望徒悲白雲晚別離千里風雨中同一飯開筵說逢康臨觴方接阮
旅宦竟何如勞飛思自返

城西竹園送裴佖正達

歲發凌風竹寂寞離人觴愴懷非外至沉鬱自中腸遠行從此始別袂重淒霜

月下喜邢校書至自洛

天河夜未央漫漫復蒼蒼重君遠行至及此明月光華星映長柳暗水入寒塘客心定何似餘歡方自長

重贈邢校書

俱從四方士共會九秋中斷蓬與落葉相值各因風

北至太原

炎祚昔昏替皇基此鬱盤玄命久已集撫運乃良艱南阮羊腸險北走雁門寒始於一戎定垂此億世安
唐風本憂思王業定艱難中厝雖橫潰天紀未可干聖明所興國靈藏固不彈咄咄薄遊客斯高殊不刊
入華山訪隱者經仙人石壇

三考西岳下官曹少休沐久負青山諾今還獲所欲常聞玉清洞金簡受玄錄風駕昇天行雲遊恣霞宿
平明矯輕策捫石入空曲仙人古石壇苔遶青瑤局陽桂凌烟紫陰蘿冒水綠隔世聞丹經懸泉注明玉
前驚羽人會白日天居肅問我將致辭笑之自相目疎身雲遽起仰見雙白鵝墮其一紙書文字類鳥足
視之了不識三返又三復歸來問方士舉世莫解讀何必若蜉蝣然後為踟促鄙哉宦遊子身志俱降辱
再往不及期勞歌叩山木

罷鏡

手中青銅鏡照我年少時哀風一如此清光難復持欲令孤月掩從遣半心疑縱使逢人見猶勝自見悲
照鏡

衰鬢朝臨鏡將看各自疑慙君明似月照我白如絲

華陰東泉同張處士詣藏律師兼簡縣內同官因寄齊中書

蒼崖抱寒泉淪照洞金碧潛鱗孕明晦山靈闕幽蹟前峯何其詭萬變窮日夕松老風易悲山秋雲更白
故人邑中吏五里仙霧隔美質簡瓊瑤英聲缺金石煩君竟相問問我此何適我因贊時理書寄西飛翮
哲匠熙百工日月被光澤大國本多士荆岑無遺璧高綱彌八紘皇圖明四闢羣材既兼暢顧我在草澤

貴無身外名賤有區中役忽忽百齡內殷殷千慮迫人生已如寄在寄復為客舊國不得歸風塵滿阡陌
荅郭黃中孤雲首章見贈

孤雲生西北從風東南飄帝鄉日已遠蒼梧無還颺已矣玄鳳歎嚴霜集靈若君其勉我懷歲暮孰不凋
送人流貶

漢章雖約法秦律已除名謗遠人多感官微不自明霜風先獨樹瘴雨失荒城疇昔長沙事三年召賈生
送人南歸

人言下江疾君道下江遲五月江路惡南風驚浪時應知近家喜還有異鄉悲無奈孤舟夕山歌聞竹枝
書院無曆日以詩代書問路侍御六月大小

野性迷堯曆松憲有道經故人為柱史為我數堦棠

聞鷄贈主人

嘒嘒司晨鳴報爾東方旭無事戀君軒今君重鳬鵠

九月十日雨中過張伯佳期柳鎮未至以詩招之

柳吳興近無消息張長公貧苦寂寥唯有角巾雷雨至手持殘菊向西招

合源溪期張計不至

霜露肅時序緬然方獨尋暗溪遲仙侶寒澗聞松禽寂歷夜茲永清明秋序深微波澹澄夕烟景含虛林
素心久淪否幽懷方自今

竹磯

訪竹越雲崖即林若磯絕寧知脩幹下漠漠秋苔潔清光溢空曲茂色臨水澈採摘愧芳鮮奉君歲暮節
水亭夜坐賦得曉霧

月落寒霧起沉思浩通川宿禽轉木散山澤一蒼然漠漠沙上路汙汙洲外田猶當依遠樹斷續欲窮天
送常曾侍御使西蕃寄題西川

涼王宮殿盡無沒隴雲西今日聞君使雄心逐鼓鼙行當收漢壘直可取蒲泥舊國無由到煩君下馬題
送諸暨王主簿之任

別愁已萬緒離曲方三奏遠宦一辭鄉南天異風候秦城歲芳老越國春山秀落日望寒濤公門開清晝
何用慰相思裁書寄闕右

入南山至全師蘭若

木隕水歸壑寂然無念心南行有真子被褐憇山陰石路瑤草散松門寒景深吾師亦何授自起定中吟
罷杖後入華山採茯苓逢道者

委綬采名山觀竒恣所停山中若有聞言此不死庭遂逢五老人一謂西岳靈或聞樵人語飛去入昴星
授我出雲路蒼然凌石屏視之有文字乃古黃庭經左右長松列動搖風露零上蟠千年枝陰虬負青冥
下結九秋靈流膏為伏苓取之砂石間異若龜鶴形况聞秦宮夕華髮變已青有如上帝心與我千萬齡
始疑有仙骨鍊魄可永寧何事遂豪遊飲啄以羶腥神物亦自閔風雷護此扁欲傳山中寶回策忽已暝